

Postanite vakifi džemata u Štokholmu!

Plusgiro 4800492-3 sa naznakom "Vakuf"



Potpisan ugovor o kupovini objekta. U januaru 2015.g. novi vakuf ako Bog da u IZB u Švedskoj!
Ugradi sebe u trajno dobro, učestvujte u akciji prikupljanja sredstava za novi vakuf!



Seminar imama u Gislavedu



Seminar za aktivne žene džemata IZB u Švedskoj



Islamska zajednica Bošnjaka u
Švedskoj

Adresa: Slättervägen 44, 461 61 Trollhättan;
Tel. 076 310 24 47 / 0520-499064

www.izb.se

Potražite nas i na facebook-u
Islamska zajednica Bošnjaka u
Švedskoj

SADRŽAJ

- Impresum
- Uvodnik za 7. broj

Aktivnosti IZBUŠ-a

- Seminar za imame u Gislavedu
- Seminar za aktivne žene u džematima
- Broj pristupnica u džematima

Džematske aktivnosti

- Malmö: Novi učaci Kur'ana
- Norrköping: Posjeta prof.dr. Latića
- Helsingborg: Promocija knjiga
- Trelleborg: Aktivnosti u novembru
- Halmstad: Druženje sa prof.dr.Latićem

- Hutba: "O vjernici, brinite se o sebi!"
— hfz. Jusuf-ef. Horozović
- Najava aktivnosti u džematima


POZIV NA SARADNJU

Oglasite se i Vi u Biltenu IZB u Švedskoj!

Javite nam se sa vašim tekstom,
prijedlogom, primjedbom i sugestijom.

e-mail: bilten@izb.se

www.izb.se



BILTEN

Informativno glasilo

Islamske zajednice Bošnjaka u
Švedskoj

GLAVNI UREDNIK

Idriz-ef. Karaman
glavni imam

IZVRŠNI UREDNIK

Almedin-ef. Spahić

REDAKCIJA:

Savjet glavnog imama:
Nezir-ef. Špiodić
Smajo-ef. Šahat
Elvedin-ef. Bešlija

SARADNICI U OVOM BROJU:

Jasmin Dervišević, sekretar
Hasan-ef. Jašarević, Malmö
Jasmin-ef. Pašić, Trelleborg
hfz. Jusuf-ef. Horozović, Norrköping
Melina Mahmutović, Malmö

Uvodnik za 7. broj Biltena IZB u Švedskoj



Ovih dana od Glavne izborne komisije Islamske zajednice u BiH stiglo je Uputstvo o primjeni pravila i provođenju izbora u Islamskoj zajednici. Iako se izbori u dijaspori neće održavati u isto vrijeme kao i u Domovini, prilika je ovo da se posebno osvrnemo na dvije odredbe ovog Uputstva.

Prva se odnosi na uvjet da se pasivno biračko pravo, odnosno, da neko može biti biran u organe Islamske zajednice, ostvaruje kontinuiranim aktivnim članstvom u Zajednici najmanje tri posljednje godine. O ovoj odredbi i mi ovdje ćemo morati povesti računa, kako nam se ne bi dešavalo da u organe biramo neprovjerene ljude.

U Uputstvu Glavne izborne komisije, također, stoji da u nove organe treba birati članove koji će voditi računa da se u djelovanju Islamske zajednice primjenjuje hanefijski mezheb.

Možda će ova odredba nekome izgledati diskriminirajuća, međutim, konflikti i nedoumice na terenu, posebno u dijaspori, itekako aktueliziraju ovu odredbu. Sve je češća, naime, pojava da neki naši članovi budi fascinirani nekim drugim učenjima, pa onda zahtijevaju od rukovodstva džemata i imama da se ta učenja slijede u svakodnevnoj praksi naših džemata. Naši su imami, međutim, dužni da slijede hanefijski mezheb, odnosno, praksu naših džemata u Domovini.

Dakle, ovdje moramo biti sasvim jasni i nedvosmisleni. Niko nema pravo nikome nametati ovo ili ono učenje. Svaki pojedinac je slobodan da uči i istražuje, a onda sam odluči hoće li slijediti ovaj ili onaj pravac. To, međutim, ne znači da to mišljenje može nametati imamu i džematu. Po ovom pitanju Ustav Islamske zajednice je sasvim jasan i tu ne može biti nikakve diskusije. Zbog toga treba voditi računa da se u organe Islamske zajednice biraju pojedinci koji će se pridržavati ove odredbe i Ustava Islamske zajednice u cjelini.

Idriz-ef. Karaman

www.rijaset.ba

PITANJA I ODGOVORI

Prof. dr. Enes Ljevaković,
fetva-i-emin



Pitanja možete slati na mail:

pitanja@rijaset.ba

Pitanje:

Esselamu alejkum!

Da li je nama muslimanima zabranjeno da idemo na sijelo gdje su sve kršćani i gdje slave npr. božić? Da li je grijeh posjetiti crkvu nekad u životu?

Odgovor:

Nije zabranjeno čestitati kršćanima ili drugim kitabijama njihov vjerski blagdan, posjetiti ih, razgovarati i razmijeniti darove, ali je zabranjeno učestvovati u njihovom vjerskom obredu, ne i posmatrati ga. Ako je uobičajeno da oni posjete muslimane za vrijeme njihovog blagdana, a muslimani njih za vrijeme njihovog, to je čin međusobnog uvažavanja i poštovanja, što nije zabranjeno, već naprotiv, poželjan oblik međukomšijske pažnje. Ako se na sijelu slavi spomenuti praznik uz uobičajenu ikonografiju i vjerske relikvije, takvom sijelu ne treba prisustvovati. Isti je slučaj s ulaskom u crkvu. Ako je s namjerom da se vidi i razgleda njena unutrašnjost, nije zabranjeno ući u nju. Ako je s namjerom činjenja djela pobožnosti, odnosno radi učešća u vjerskom obredu, zabranjeno je.

U Gislavedu održan seminar za imame IZB u Švedskoj



U gradu Gislaved 24. i 25. novembra 2014. godine održan je seminar za imame Islamske zajednice Bošnjaka u Švedskoj. Tema seminara bila je unaprjeđenje mektebske nastave, a prisustvovali su gotovo svi imami.

Poseban gost iz Bosne i Hercegovine bio je profesor tefsira na Fakultetu islamskih nauka u Sarajevu dr. Džemaludin Latić, koji je govorio na temu „Imam i mekteb“, istakavši da je najvažnije da imam nikad ne zaboravi da je imamski poziv više *pozvanje* (izbjegao je termin *misija*, koji se često upotrebljava) nego neki obični profesionalni angažman.

Drugi predavač bio je Suad-ef. Hodžić, imam i koordinator mektebske nastave u Džematu Berlin u Njemačkoj. U svom izlaganju Suad-ef. predstavio način

organiziranja mektebske nastave u svom Džematu.

Nakon ovih izlaganja razvila se veoma konstruktivna diskusija, čime je i završen radni dio prvog dana seminara.

Iza jacie-namaza održana je promocija knjige „Koristi dobrih djela“ Mevlana Muahemmeda Zekirije Kandehlevija, koju je preveo profesor Latić.

Promociji ove izvanredne knjige prisustvovali su i džematlije Džemata Gislaved.

Drugi dan seminara podnesena su dva referata. Smajo-ef. Šahat predstavio je prijedlog jedinstvenog program rada za mektebe u Švedskoj, a Almedin-ef. Spahić svoj elektronski dnevnik. Nakon ova dva izlaganja uslijedila je veoma lijepa i zanimljiva diskusija.

Pohvaljeni su svi predavači, te zaključeno je da se kompletan materijal sa seminara dostavi svim imamima. Za koordinatora ovih aktivnosti određen Almedin-ef. Spahić.

I ovaj put, odličan domaćin bio je Džemat Gislaved.

I.K.

.....



Održan seminar za aktivne žene džemata IZB u Švedskoj

U švedskom gradu Gislavedu 8. i 9. novembra 2014. pisala se historija! U organizaciji IZBUŠ-a održan je seminar za aktivne žene naših bošnjačkih džemata u Švedskoj na kojem su prisustvovala žene iz deset džemata (stotinjak žena i djevojaka).

Fokus seminara je bio umrežavanje žena iz različitih džemata u jednu krovnu organizaciju, s ciljem da se ojača pozicija i angažiranost žena unutar Islamske zajednice Bošnjaka u Švedskoj u ovoj državi.

Naše gošće-predavači na seminaru su bile Aida Tule i Senada Brčaninović s kojima su žene bile oduševljene. Mnogo toga zanimljivog i poučnog se moglo čuti i naučiti.

Radni dio seminara zaključen je s nekoliko važnih smjernica odnosno ciljeva za budućnost i apelom da se uskoro nešto slično ponovo organizira. Dvodnevni seminar je bio jedno bogato iskustvo za sve nas, a veliki broj žena i djevojaka koji se odazvao je pokazatelj da smo na pravom putu.

Melina M.



**KÄNNER DU TILL
DEN ANDLIGA VÅRDEN
PÅ SJUKHUS FÖR
MUSLIMER?**


MUSLIMSKSJUKHUSKOORDINATOR.SE

Broj potpisanih pristupnica

**Broj potpisanih Pristupnica
u džematima IZBUŠ**

	31/10-2013	30/11-2014
Malmö	1141	1287
Stockholm	881	1013
Borås	642	659
Skövde	441	471
Göteborg	255	519
Gislaved	375	416
Norrköping	217	452
Helsingborg	319	373
Landskrona	216	340
Trollhättan	226	277
Växjö	163	286
Linköping	190	235
Halmstad	144	170
Trelleborg	55	183
Jönköping	53	207
Motala	55	132
Örebro	81	141
Surte	25	64
Västerås	2	30
Vetlanda	1	13
Värnamo	4	7
Varberg	0	13
Kalmar	0	0
Karlskoga	0	0
Karlstad	0	0
Oskarshamn	0	0

**Slušajte i preko interneta!
www.bir.ba**



Džemat Malmö: Novi učaci Kur'ana

Dana 02.11.2014.g. u džematu Malmö, s ponosom možemo kazati da je bio mubarek dan.

Naime za manje od 40 dana, grupa polaznika mektebske nastave uspjela je da pred Hasan ef. Jašarevićem nauči Kur'ansko pismo i počne čitati Kur'an. Njih 16 bili su prvi koji su ove godine uspjeli da pored svih drugih obaveza u školi i mektebu savladaju kur'ansko pismo.

Kao mali znak pažnje i podrške, džemat ih je počastio odlaskom na kuglanje.

Inače u naš mekteb ove godine upisano je preko 130 polaznika, uzrasta do 14 godina.

Planirana je i svojevrsna reorganizacija odvijanja mektebske nastave, a stručno savjetovanje sa imami-ma i seminar mnogo su pomogli u samoj ideji.

S tim u vezi, raspisan je i konkurs za muallime-pomoćnike, te i ovom prilikom sve one koji smatraju da bi nam mogli pomoći na taj način da volontiraju u našem mektebu, ljubazno pozivamo da nam se prijave.

Želja nam je da uz Allahovu pomoć, novim, pristupačnijim metodama današnjoj djeci učinimo boravak u mektebu što ljepšim i uspješnim, pa da odrastanjem ostanu vezani za svoju zajednicu, svoju džamiju i svoj mekteb.

Ovom prilikom čestitamo roditeljima i djeci na uspjehu, sa molbom Allahu dž.š. da ih nagradi na zalaganju. Kur'ansko pismo naučili su:

Halim Cetina, Esmā Cetina, Amina Bilalović, Edin Zahirović, Ervin Huremović, Asim Hadžimešinović,

Lejla Buljušmić, Lejla Šiljak, Amar Šiljak, Belma Hadžimešinović, Selma Zubović, Tarik Dizdar, Eman Čibo, Eljes Čibo, Davud Avdić, Merjem Avdić.

H.J.



Novi učaci Kur'ana sa Hasan-ef.



Džemat Norrköping: Posjeta prof.dr.Džemaludina Latića



Dana 25.11.2014. godine u našem džematu gostovao je prof.dr.Džemaludin Latić, inače profesor na Fakultetu islamskih nauka u Sarajevu. Prof. Latić je nakon jacije-namaza održao prigodno predavanje u kojem je akcenat stavio na važnost očuvanja dini-islama, a posebno u današnjim izazovima sa kojima se suočavaju muslimani na zapadu. Također je pozvao muslimane da se brinu o džamiji i džematu i ukazao na važnost održavanja i brige za istim. Nakon jacije-namaza uslijedilo je druženje džematlija sa profesorom u džematskim prostorijama.

Sutradan ujutro prof. Latić je obišao kupljeni plac za izgradnju naše džamije u Norköpingu. Molimo Allaha, dž.š., da nagradi našeg gosta na korisnoj posjeti.

hfz.Jusuf-ef. Horozović

Džemat Helsingborg: Promocija i druženje sa Velidom Bajramovićem



Izdvajamo samo dva naslova u ovom tekstu:

ŽIVA LOMAČA

U kući Mehe Aljića
U višegradskom naselju Bikavac
zločinci su spalili
Sedamdeset civila

Najmlađa žrtva
Imala je godinu dana
I izgorjela je
U majčinom zagrljaju

CRVENE TREŠNJE

Agresor je granatom
usmrtio djecu:
Adelu
Fikreta i
Muamera

A,
Htjeli su samo
Da
Crvenim trešnjama
Bar malo
Utole glad

U nedjelju, 30. novembra 2014. godine, poslije akšam namaza održana je promocija knjiga autora Velida Bajramovića.

Posjetioci promocije mogli su, doista, čuti puno toga korisnog, a svaka autorova knjiga zavrijedila je veliku pažnju.

Poseban osvrt gosp. Bajramović dao je svojoj posljednjoj knjizi "Pokošeni pupoljci" koja govori o ubijenoj djeci u srpsko-hrvatskoj agresiji na BiH. Knjiga sadrži istinista svjedočanstva o onom što se dogodilo našem narodu i mladim pupoljcima naše Bosne.

Džemat Helsingborg je bio počašćen Velidovim gostovanjem, jer na ovaj način zajedno doprinosimo da se zločini nad našim narodom ne zaborave i nikada, ako Bog da, više ne dogode. A svi oni koji nisu bili na promociji, a žele pročitati ove knjige mogu ih naći u džematskoj biblioteci.

Nezir ef. Špiodić

.....

www.rijaset.ba

Džemat Trelleborg: Aktivnosti u mjesecu novembru

U proteklom mjesecu novembru naš džemat je zabilježio niz aktivnosti. Pored redovnih aktivnosti koje obavljamo u našem džematu, a koje smo pomenuli u prošlom broju, za ovaj broj Biltena izdvajamo sljedeće:

Imam Jasmin ef. Pašić je 8. novembra bio u posjeti radiju "BH-92", a koji svoj program emituje subotom u periodu od 10 do 12 sati u prostorijama Trelleborškog radija "ABF", u kojem udruženje "BH-92" ima svoje prostorije i emituje preko radija emisiju na bosanskom jeziku. Posredstvom gosp. Sulejmana koji je dugogodišnji naš džematlija, imali smo priliku razgovarati o raznim temama i tako širem auditorijumu, između ostalog, predstaviti i brojne aktivnosti koje imamo u našem džematu. Treba istaći i to da je Bošnjački radio "BH-92" ugostio brojne ugledne ličnosti i s pravom predstavlja simbol nas Bošnjaka u Trelleborgu. Na radiju su uposleni i brojni mladi momci i djevojke, koji svojim volonterskim radom uz gospodina Sulejmana čine da i dan danas ovaj radio opstane.



U prostorijama radija "ABF"

Također ono na što možemo biti ponosni, jeste i to da su predsjednik našeg džemata Senad Biberić i član odbora Andreas Hasslert učestvovali na obilježavanju kristalne noći-dana stradanja Jevreja u Njemačkoj, gdje su na poziv Jevrejske zajednice Trelleborg uz prisustvo brojnih drugih vjerskih zajednica, imali priliku voditi dijalog i iskazati naše stanovište povodom te noći. Naš džemat je time pokazao i



jasno iznio svoj stav i time postao nezaobilazan kada su upitanju brojna druženja i seminari međureligijskog karaktera, na što svakako možemo biti ponosni. Bilo je pomena i o stradanju Bošnjaka u Srebrenici, a sve u kontekstu da se javnosti predoči i da se ne zaboravi da smo i mi Bošnjaci preživjeli „kristalnu noć“. Udruženje Bemuf Trelleborg je imao konferenciju u gradu Jonkopingu, a iz našeg džemata zajedno sa imamom na konferenciji su bili prisutni Admir Biberić i Husein Šehović, gdje su uz druženje i kvalitetan seminar predstavili aktivnosti i plan Bemufa Trelleborg.



Promocija knjiga Velida Bajramovića

29. novembra u prostorijama našeg džemata održana je i promocija knjige zlatnog ljljana Velida Bajramovića, gdje su naše džematlije bile u prilici čuti i poslušati sjajne zbirke poezije našeg ratnog heroja Velida. Također je dogovoreno da se tribine i ubudeće organizuju, a da stalni termin održavanja istih bude subota iza jacije namaza.

J.P.



Pratite rad džemata Trelleborg i na facebook

Džemat Halmstad: Druženje sa prof.dr.Džemaludinom Latićem



Dana 22. novembra 2014.g. poslije jacije-namaza, gost u džematu Halmstad bio je prof.dr.Džemaludin Latić, profesor tefsira (tumačenja Kur'ana) sa Fakulteta islamskih nauka u Sarajevu. Pored zapaženog predavanja i savjeta upućenih prisutnim džematlijama, profesor je promovisao i knjigu "Koristi dobrih djela" koju je preveo od Mevlana Muhameda Zekerije Kandehevija.



Nakon održane tribine, razvila se veoma lijepa i zanimljiva diskusija kroz pitanja koja su džematlije imale priliku postaviti prof.Latiću.

Poslije tribine druženje je nastavljeno u prostorijama džemata uz kahvu i kolače, koje su i ovaj put pripremile vrijedne džematlijeke džemata Halmstad.

A.S.

HUTBA: "O VJERNICI, BRINITE SE O SEBI"



Hatib: hfz. Jusuf-ef. Horozović,
Norkköping

Neka je neizmijerna hvala Allahu, dž.š., Gospodaru svjetova, Koji nas je u najljepšem obliku stvorio. Neka je salavat i selam na Muhammeda, s.a.v.s., kojeg je Allah poslao kao milost svjetovima. Neka je salavat na njegovu časnu porodicu, plemenite ashabe i na sve one koji njegovu uputu budu slijedili do Sudnjega dana.

Sve što nam Allah Uzvišeni naređuje to je za nas dobro. A sve što nam zabranjuje to je kako bi se sačuvali zla i kako bi drugi od naših ruku i jezika bili sačuvani.

Norme ponašanja su nešto što je specifično za vjernika muslimana. On se po njima prepoznaje. Prepoznaje se njegova dosljednost i preciznost prilikom komuniciranja sa ljudima, gdje će nastojati da slijedi ono što je stvarnost i ono što je jasno, bilo da se radi o riječima ili djelima. Pa je tako Allah, dž.š., odredio ljudima da slijede ono što je jasno i u šta sumnje nemaju, a izbjegavaju sumnju i ono što je manje jasno.

Kaže Allah, dž.š.: **"O vjernici, klonite se mnogih sumnjičenja, neka sumnjičenja su, zaista, grijeh.."**

Mufessiri kažu da se ovo sumnjičenje odnosi na optuživanje ljudi da su uradili neku stvar, a možda oni to nisu uradili. Jedna od najopasnijih šejtanovih strijela koja može da zavadi i posije nered jeste upravo sumnja, a to je kada čovjeku bude uskraćeno stvarno i realno razumijevanje i prosuđivanje na osnovu činjenica i istine. Tada postoji mogućnost da se o drugom, a posebo bratu muslimanu stvori deformisana slika njega samoga. Formiranje ovakve slike ne dolazi samo od sebe, već to pretežno dolazi prilikom predstavljanja ili prezentiranja vijesti onakvima kakve one nisu. A vijesti ne dolaze same. Njih donose drugi. Što bi značilo da moramo dobro paziti od koga vijesti uzimamo. A pretežno čovjek uzima vijesti od onoga s kim se druži. Zato je Mudri Lukman znao govoriti: *"Druži se sa čestitim Allahovim robovima, je od njih ćeš uvijek imati hajra, ako ništa na njih će sići rahmet, pa će i tebe zahvatiti!"* *"Čuvaj se pogana društva, jer od njih ti nikad hajra nema, ako ništa može ih pogoditi kazna, pa i tebe zakačiti."* Rekao je Omer ibn el-Hattab, r.a.:

"Nikako ne sumnjaj, ni za jednu riječ koja je izašla iz ustavoga brata vjernika, da je ona nešto drugo osim istina, a ti ćeš joj u dobru pronaći osnovu."

Svaka sumnja koja se pojavi među ljudima mora ostaviti posljedice, prije svega na onome koji se ne kloni sumnjivih stvari i vijesti koje ne provjerava. Tada dolazi do zamišljanja negativne slike o drugom muslimanu i stavljanje njegovih djela u centar pažnje, a zapostavljanje sopstvenih.

A zabranjeno je petljanje u tuđe privatnosti i njihove tajne. Haram je, čak i ako oni čine grijeh, sve dotle dok to čine tajno, a ne u javnosti. Kao dokaz tome je primjer Ukbe ibn Amirovog pisara koji kaže: "Rekao sam Ukbe ibn Amiru: – Neke naše komšije piju vino i ja sam pozvao policiju da ih pohapsi." – On je rekao: "Nisi to trebao učiniti, nego si ih trebao nasavjetovati i upozoriti." – Ja rekoh: "Rekao sam im da prestanu, ali me oni nisu poslušali. Ja sam onda obavijestio policiju i ona ih je pohapsila." – Ukbe reče: "Teško tebi! Ne čini to, jer ja sam čuo Poslanika, s.a.v.s, kada kaže: **"Ko sakrije sramotu drugog čovjeka, kao da je spasio živu zakopanu djevojčicu iz kabura."**

Jedan pjesnik je počinioce ovakvih radnji (uhodjenja, špijuniranja i sl.) opisao kroz svoj stih gdje kaže:

*"Kada čuju nešto dobro, to prešute,
Ako čuju loše, razglase ga,
a ako ništa ne čuju, onda slažu."*

Sumnja koja se pojavi u čovjeku i toliko se raširi u njegovoj duši postaje bolest koju je potrebno liječiti. A izliječiti bilo koju bolest nije lahak posao, ali je istina da se čovjek poslije izlječenja osjeća bolje i ljepše.

Zato Allah, dž.š., kaže u Kur'anu: **"O vjernici, brinite se o sebi, neće vam naštetiti onaj koji je zalutao ako vi budete na pravom putu."**

Ovo je prvi korak ka izlječenju. Da se brinemo o sebi i gledamo svoje mahane prije tuđih.

Hasan el-Basri je rekao: *"Jasan znak da je čovjek daleko od Allahove milosti i da ga je Allah napustio jeste njegovo bavljenje i zanimanje onim što ga se ne tiče."*

Zar ovo nije dovoljan razlog da čovjeka spriječi da sluša i gleda šta drugi govori i radi i u tome traži grešku pa makar je i ne bilo. Draga braćo, čuvajmo sebe od grijeha sumnjičenja i istraživanja tuđih mahana. Posvetimo se vjeri u Allaha Uzvišenog i borbi protiv šejtana i svoga nefsa. Mislimo da nas Allah prati i vidi u svakom stanju i govoru. I nastoj da Allahu budeš drag i On bude zadovoljan tobom. Kako će ljudi to postići kazivao je Hasan el-Basri: "

'Čovječe! Nisi u istinskom imanu sve dok drugima iznalaziš mahane, a ni sam nisi bez njih. Stoga, prvo otkloni svoje mahane, a ostavi druge i njihove mahane. Ali, znaj, nikada nećeš moći otkloniti sve svoje mahane, pa je najpreče da se njima posvetiš i pozabaviš. A ako želiš biti pravedan ne istražuj tuđe mahane pa ćeš i Allahu, dž.š., biti drag i mio.'

Molim Allaha, dž.š., da sakrije naše mahane i grijeha, i da nas sačuva sramote i ovog i onog svijeta. AMIN!

.....

Kada je jedna osoba bolesna i kada se nađe u bolnici:

- može biti pogođena žalošću.
- može se osjećati uznemireno.
- može se osjećati usamljeno i napušteno.
- može se osjećati bespomoćno.
- može imati poteškoća da svoja osjećanja iskaže svojim najbližim i osoblju u bolnici.

KÄNNER DU TILL
DEN ANDLIGA VÅRDEN
PÅ SJUKHUS FÖR
MUSLIMER?

MUSLIMSKSJUKHUSKOORDINATOR.SE

U takvoj situaciji javljaju se slijedeća pitanja:

- Imaju li se sa kim podijeliti ova osjećanja?
- Ima li neko ko će razumjeti moju tugu i bol?
- Ima li neko ko ima sabura da me sluša?
- Ima li neko da samnom popriča?

Bolesnici muslimani koji žele da ih posjeti imam imaju slijedeće mogućnosti:

- Da ih posjeti imam koji govori njihov maternji jezik;
- Da ih posjeti imam koji pripada njihovoj kulturi i tradiciji

Najave aktivnosti u džematima!

**Bošnjačka islamska
zajednica u Helsingborgu**

**Subota
13. decembar 2014
u 16.30 sati**

VAKUF JE NAŠA BUDUĆNOST

**Adresa:
Aula Nikolai Skolan
Studievägen 2
Helsingborg**

**Gosti:
hafiz Husejn ef. Čajlaković
& hor "Sabur" Värnamo**



**Islamska zajednica Bošnjaka u Švedskoj
džemat Halmstad organizuje**

PREDAVANJE I DRUŽENJE SA

hfz. Husejn-ef. Čajlakovićem



Halmstad

**14.12.2014. g. (nedelja)
Poslije akšam-namaza u džematu
Namaz je u 15:29h
Adresa: Gesällgatan 2A**





BOSNIAKISKA ISLAMISKA SAMFUNDET
ISLAMSKA ZAJEDNICA BOŠNJAKA U ŠVEDSKOJ



Džemat Trollhättan
organizuje
predavanje i druženje sa



hafizom
Husejnom ef. Čajlakovićem
Ponedjeljak, 15.12.2014
Početak programa u 18.00
sala "Kronan" (Kronogårdsskolan)

Program druženja

Pocetak i uvod	18.00 - 18.15
Hfz. Husejn	18.15 - 19.15
Pauza, Sendvic 	19.15 - 19.45
Hfz. Husejn	19.45 - 20.45
Dova i kraj	20.45 - 21.00

Adresa za mjesto predavanja, sala "Kronan" je Lantmannavägen 113, Trollhättan

.....

www.izb.se